



## NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE KOMITEEKAMER, UITVOERENDE BURGEMEESTER OP DINSDAG, 18 OKTOBER 2022 OM 10:00

---

### TEENWOORDIG:

Uitvoerende Burgemeester, rdh J H Cleophas (voorsitter)  
Uitvoerende Onderburgemeester, rdl J M de Beer

Lede van die Burgemeesterskomitee:

Rdl N Smit  
Rdl A K Warnick (virtueel ingeskakel)  
Rdl T van Essen

Ander raadslede:

Rdh M A Rangasamy (Speaker)

Beampes:

Munisipale Bestuurder, mnr J J Scholtz  
Direkteur: Finansiële Dienste, mnr M A C Bolton  
Direkteur: Siviele Ingenieursdienste, mnr L D Zikmann  
Direkteur: Elektriese Ingenieursdienste, mnr T Möller  
Direkteur: Beskermingsdienste, mnr P A C Humphreys  
Direkteur: Ontwikkelingsdienste, me J S Krieger  
Direkteur: Korporatiewe Dienste, me M S Terblanche  
Bestuurder: Sekretariaat en Rekordsdienste, me N Brand

### 1. OPENING

Die Uitvoerende Burgemeester verwelkom teenwoordigers en open die vergadering met gebed. 'n Spesiale woord van verwelkoming word gerig aan die Munisipale Bestuurder en rdl A K Warnick wat onlangs operasies ondergaan het en word hulle 'n spoedige herstel toegewens.

### 2. VERLOF TOT AFWESIGHEID

Dat **KENNIS GENEEM** word van die verskoning ontvang vanaf rdl D G Bess.

### 3. VOORLEGGINGS/AFVAARDIGINGS/SPREEKBEURTE

Geen

### 4. NOTULES

#### 4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 22 SEPTEMBER 2022

##### BESLUIT

(op voorstel van rdl J M de Beer, gesekondeer deur rdh T van Essen)

Dat die notule van 'n Gewone Uitvoerende Burgemeesterskomiteevergadering gehou op 22 September 2022 goedgekeur en deur die Burgemeester onderteken word,

#### 5.1 NOTULE VAN PORTEFEULJEKOMITEESVERGADERING GEHOU OP 12 OKTOBER 2022

**5.1.1 MUNISIPALE BESTUUR, ADMINISTRASIE EN FINANSIES****BESLUIT**

(op voorstel van rdh T van Essen, gesekondeer deur rdl A K Warnick)

Dat die Uitvoerende Burgemeester die aanbevelings in die betrokke notule bekragtig.

**5.1.2 SIVIELE EN ELEKTRIESE DIENSTE****BESLUIT**

(op voorstel van rdh T van Essen, gesekondeer deur rdl A K Warnick)

- (a) Dat die Uitvoerende Burgemeester die aanbevelings in die betrokke notule bekragtig;
- (b) Dat kennis geneem word dat die watervlakke van reservoirs wat negatief beïnvloed was deur beurtkrag die afgelope twee weke herstel het tot  $\pm 90\%$ , maar dat die situasie bestuur word gegewe die instelling van Vlak 4-beurtkrag op datum;
- (c) Dat verder kennis geneem word dat daar op tender uitgegaan is vir die aankoop van 'n kragopwekker vir installering by die Rustfontein-pompstasie wat die Glen Lily-reservoir voed en dat befondsing tydens die begrotingsproses oorweeg sal word vir die installering van 'n kragopwekker by die Swartland Watersuiweringswerke by die Voëlvleidam.

**5.1.3 ONTWIKKELINGSDIENSTE****BESLUIT**

(op voorstel van rdh T van Essen, gesekondeer deur rdl A K Warnick)

Dat die Uitvoerende Burgemeester die aanbevelings in die betrokke notule bekragtig.

**5.1.4 BESKERMINGDIENSTE****BESLUIT**

(op voorstel van rdh T van Essen, gesekondeer deur rdl A K Warnick)

- (a) Dat die Uitvoerende Burgemeester die aanbevelings in die betrokke notule bekragtig;
- (b) Dat kennis geneem word dat, met verwysing daarna dat die verkeerskantore gesluit moet word gedurende beurtkrag, die Departement Elektriese Ingenieursdienste in proses is om 'n behoeftebepaling te doen van rugsteunkrag wat benodig word regoor die Munisipaliteit ten tye van beurtkrag om volgehoue dienslewering te verseker;
- (c) Dat, met in ag neming van die apyt van die publiek om tariefverhogings bo die inflasiekoers te bekostig, die risiko-areas vir volgehoue dienslewering geïdentifiseer sal word vir die infassing van rugsteunkrag oor die meerjarige begrotingstermyn.

**6. SAKE VOORTSPRUITEND UIT DIE NOTULES**

Geen.

**7. NUWE SAKE**

7.1/...

### 7.1 **AANVAARDING VAN VERORDENING INSAKE BEHEER OOR ONDERNEMINGS WAT DRANK AAN DIE PUBLIEK VERKOOP (1/1)**

Die Direkteur: Korporatiewe Dienste noem dat die konsep verordening op 25 Augustus 2022 aan die Raad voorgelê was ten einde die publieke deelnameproses te inisieer.

Die Direkteur: Korporatiewe Dienste meld dat daar geen insette op die konsep verordening ontvang is nie, ook nie vanaf enige SAPD-offisier nie.

**BESLUIT** (vir voorlegging aan die Raad op 27 Oktober 2022)

- (a) Dat die volgende verordening aangeneem word deur die Raad, om in werking te tree op datum van afkondiging in die Provinsiale Koerant:
  - Swartland Munisipaliteit: Verordening insake Beheer oor Ondernemings wat Drank aan die Publiek verkoop
- (b) Dat boetes vir oortredings van die verordening vasgestel word deur die Departement van Justisie.

### 7.2 **BEVORDERING VAN TOEGANG TOT INLIGTING (PAIA): HERSIENING VAN HANDLEIDING (1/1/1/34)**

Die Wet op die Beskerming van Persoonlike Inligting, Wet 4 van 2013 (POPIA) het 'n impak gehad op die bepalings van die Wet op die Bevordering van Toegang tot Inligting, Wet 2 van 2000 (PAIA), onder andere, dat aangeleenthede rakende die verwerking van persoonlike inligting by die PAIA-handleiding ingesluit moet word.

Die Wysigingswet op die Bevordering van Toegang tot Inligting, Wet 31 van 2019 is dus afgekondig om bepalings neer te lê vir die hersiening van die PAIA-handleiding.

Die hersiende PAIA-handleiding is met die sakelys gesirkuleer.

**BESLUIT**

- (a) Dat die PAIA-handleiding soos opgestel ingevolge artikels 14 en 51 van PAIA, soos gewysig, goedgekeur word;
- (b) Dat kennis geneem word dat dit nie wetlik verplig is om die goedgekeurde PAIA-handleiding aan die Inligtingsreguleerder te voorsien nie, maar dat dit op die webtuiste geplaas moet word en beskikbaar wees by die hoofkantoor van die Munisipaliteit;
- (c) Dat die goedgekeurde PAIA-handleiding aan al die Adjunk-Inligtingsbeamptes gesirkuleer word om enige versoeke tot inligting wat deur die Munisipaliteit gehou word te hanteer.

### 7.3 **SWARTLAND RAADSLID BESKERMINGSBELEID (3/B)**

Die Munisipale Bestuurder noem dat die Swartland Raadslid Beskermingsbeleid opgestel is by 'n gebrek aan enige riglyne vanaf Provinsie of enige ander plaaslike owerheid. Dit mag gebeur dat met die toepassing van die beleid sekere leemtes uitgewys word waarvolgens die beleid aangepas sal word.

Die Direkteur: Beskermingsdienste behandel sekere aspekte uit die beleid, spesifiek ten opsigte van rolle van verantwoordelikheid.

**BESLUIT**

(op voorstel van rdl A K Warnick, gesecondeer deur rdl J M de Beer)

Dat die Swartland Raadslid Beskermingsbeleid deur die Uitvoerende Burgemeesterskomitee goedgekeur word met ingang van 18 Oktober 2022.

**7.4 VOORGESTELDE SKOFTE: REAKSIE-EENHEID EN VERKEER- EN WETSTOE-PASSING (STLES) (4/2/2)**

Die Munisipale Bestuurder noem dat die aanstellingsertifikate van lede van die Reaksie-Eenheid op 17 Oktober 2022 uitgereik is. Noudat lede operasioneel aangewend kan word sal daar eers gekyk moet word watter leemtes die Reaksie-Eenheid kan vul.

**BESLUIT**

Dat die item teruggetrek word om 'n meer holistiese verslag op te stel, met in ag neming van die aanwending van die Reaksie-Eenheid binne die Verkeer- en Wetstoepassingsdiens.

**7.5 BEGROTING VIR ONDERHOUD AAN PROVINSIALE HOOFPAAIE: 2023/2024 FINANSIËLE JAAR (5/6/1/1/2)**

Die Direkteur: Siviele Ingenieursdienste bevestig dat die beraamde uitgawes vir instandhouding en rehabilitasie van Provinsiale Hoofpaaie jaarliks in samewerking met provinsiale amptenare bepaal word.

Die lys van voorgestelde projekte (beraamde totale bedrag van R10 338 000) is met die sakelys gesirkuleer vir voorlegging aan die Distrikspadingenieur vir oorweging en goedkeuring.

**BESLUIT**

(op voorstel van rdh T van Essen, gesekondeer deur rdl J M de Beer)

Dat die begroting vir die onderhoud aan provinsiale hoofpaaie vir die 2023/2024 finansiële jaar deur die Uitvoerende Burgemeesterskomitee goedgekeur word.

**7.6 KWARTAALVERSLAG INSAKE DIE PRESTASIE VAN KONTRAKTEURS (8/1/B/2)**

Die verslag ten opsigte van die kwartaalike prestasie-evaluering van kontrakteurs wat ingevolge die Voorsieningkanaalbestuursbeleid aangestel is, word voorgelê ter voldoening aan Artikel 116(2) van die MFMA en die kernprestasie-indikator van die Munisipale Bestuurder, naamlik:

*"Number of reports on the management of the contracts or agreements (supply chain) and the performance of contractors submitted to mayoral committee."*

Die Munisipale Bestuurder noem dat kontrakbestuur een van die fokusareas van die Ouditeur-Generaal is en dat die verslag uitgebrei sal word om meer volledige rapportering daar te stel.

**BESLUIT**

(op voorstel van rdh T van Essen, gesekondeer deur rdl N Smit)

Dat kennis geneem word van die kwartaalike verslag ten opsigte van die prestasie van kontrakteurs vir die periode 1 Julie 2022 tot 30 September 2022.

**7.7 VERSLAG INSAKE DIE IMPLEMENTERING VAN DIE VOORSIENINGKANAAL-BESTUURSBELEID VIR DIE PERIODE 1 JULIE 2022 TOT 30 SEPTEMBER 2022 (8/1/B/2)**

'n Verslag insake die implementering van die Voorsieningkanaalbestuursbeleid moet op 'n kwartaalike basis ingevolge paragraaf 6(3) van die Munisipale Voorsieningkanaalbestuursregulasies aan die Uitvoerende Burgemeester voorgelê word.

Die verslag vir die periode 1 Julie 2022 tot 30 September 2022 is met die sakelys gesirkuleer.

**BESLUIT**

(op voorstel van rdh T van Essen, gesekondeer deur rdl N Smit)

(a)/...

7.7/...

- (a) Dat kennis geneem word van die kwartaallikse verslag van die Voorsiening-kanaalbestuursbeleid se implementering vir die periode 1 Julie 2022 tot 30 September 2022, wat ingevolge artikel 6(3) van die Regulasies voorgelê moet word asook die verslae van die Formele Tenders (Aanhangsel A), Informele Tenders (Aanhangsel B) en die Afwykingsverslag (Aanhangsel C);
- (b) Dat verder kennis geneem word van die dienste wat vir dieselfde periode gelewer is, met verwysing na die uitsonderings waar dit onprakties sou wees om die mark te toets en gevolglik aanleiding gegee het tot 'n afwyking van die verkrygingsprosesse ingevolge paragraaf 2(6) van die Voorsiening-kanaalbestuursbeleid (Bylae D);

#### **7.8 UITSTAANDE DEBITEURE: SEPTEMBER 2022 (5/7/1/1)**

'n Volledige verslag van die stand van uitstaande debiteure is met die sakelys gesirkuleer.

Die Direkteur: Finansiële Dienste beklemtoon die feit dat kredietbeheer daagliks toegepas moet word en skryf die verhoging in skulde daaraan toe dat kernpersoneel in die betrokke afdeling beskikbaar gestel is om aandag te gee aan versoeke om inligting vanaf die Ouditeur-Generaal vir uitvoering van die eksterne audit.

Die Munisipale Bestuurder bevestig dat daar gereelde intervensies met munisipale personeel is wat agterstallig is met hul diensterekening.

#### **BESLUIT**

(op voorstel van rdl N Smit, gesekondeer deur rdl A K Warnick)

Dat kennis geneem word van die verslag aangaande die stand van Swartland Munisipaliteit se uitstaande debiteure vir September 2022.

#### **7.9 VORDERING MET UITSTAANDE VERSEKERINGSEISE (5/14/3/5)**

Ingevolge die Batebestuursbeleid moet maandeliks verslag gedoen word insake die uitstaande versekeringseise – die Direkteur: Finansiële Dienste noem dat daar drie nuwe eise geregistreer is.

Die Direkteur: Finansiële Dienste noem dat die verwysingsraamwerk van die ongelukskomitee hersien sal word om gelde wat betaal moet word wanneer 'n amptenaar nie nalatig was nie, nie te beskou as 'n vrugtelose en verkwiste uitgawe nie, maar as 'n bybetaling tot die eis.

#### **BESLUIT**

Dat kennis geneem word van die stand van uitstaande versekeringseise tot en met 30 September 2022 soos met die sakelys gesirkuleer.

#### **7.10 AFWYKING VAN VOORGESKREWE VERKRYGINGSPROSESSE: DIENSTE DEUR KONFERENSIE FASILITEITE (8/1/B/2)**

Die Raad is in proses om 'n nuwe Geïntegreerde Ontwikkelingsplan (GOP) op te stel en is daar 'n strategiese sessie in die verband belê met die senior bestuurders.

Die formaat van die strategiese sessie behels dat daar, onder andere, in kleiner groepe opgedeel moet word en moet die konferensie fasiliteite hieraan voldoen.

Die Munisipale Bestuurder noem dat daar elf (11) kwotasies ingewin is in 'n poging van die dienste van 'n plaaslike diensverskaffer gebruik te maak. Konferensiefasiliteite en restaurante doen egter nie as 'n reël besigheid met plaaslike owerhede nie, en daarom is daar nie voldoen deur plaaslike diensverskaffers aan die nodige vereistes ingevolge die voorsieningkanaalbestuurs-beleid nie, bv. registrasie op die sentrale databasis, SARS-vereistes, ens.

7.10/...

**BESLUIT**

- (a) Dat die Uitvoerende Burgemeesterskomitee kennis neem van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuurbeleid;
- (b) Dat verder kennis geneem word van die aksie van die Munisipale Bestuurder om goedkeuring te verleen om die dienste van *Homemade at Toast* te gebruik vir die strategiese sessie oor 3 dae teen 'n bedrag van R74 800,00 (BTW uitgesluit);
- (c) Dat die redes vir die afwyking van die voorgeskrewe verkrygingsprosedures as volg is:
  - (i) Dit was moeilik om spesifikasies op te stel, aangesien baie fasiliteite weens Covid-19 afgeskaal het en sommige hul deure gesluit het, daarom is daar tussen datums beweeg om 'n geskikte tyd en fasiliteit te bekom;
  - (ii) Die fasiliteit moet voldoen aan die spesifieke vereistes om 'n strategiese sessie oor die 3 dae aan te bied;
  - (iii) Die fasiliteit vir die 3 dae moet aparte lokale beskikbaar het vir wegbreek sessies;
  - (iv) Die fasiliteit was besoek om te bevestig dat daar aan al die vereistes voldoen word;
- (d) Dat daar voldoende fondse beskikbaar is en dat die uitgawe ten bedrae van R74 800,00 (BTW uitgesluit) teen posnommer 9/241-1253-709 verreken word;
- (e) Dat die Bestuurder: Finansiële State in terme van die Voorsiening-kanaalbestuursbeleid opdrag gegee word om bovermelde rede as nota by die finansiële state in te sluit, wanneer die betrokke state opgestel word.

**(GET) J H CLEOPHAS  
UITVOERENDE BURGEMEESTER**